

**+** Dialyse



Transplante di riñon



### **Kico ta transplante di riñon?**

Un transplante di riñon ta un operacion caminda ta saca un riñon for di un donante y pone den e curpa di e persona cual su riñonnan no ta funciona mas.

### **Ken por ta donante?**

1. Un donante por ta un famia of conocir cu ta dispuesto pa hasi esaki. Esaki nos ta jama un donante bibo.
2. E por ta un persona cu na bida a dicidi cu despues di su fayecimento por duna su organonan na un persona cu mester di nan. Esaki nos ta yama donante postmortal (cadaver donor).

### **Kico ta "CROSS-OVER"?**

Si pa cualkier motibo nan no ta compatibel cu otro y tin un otro pareha den e mesun situacion por pensa na hasi un "cross over", esta intercambia e donadornan.

Tur esaki tin cu pasa via un procedura.

### **Ken por bin na remarce pa transplante di riñon?**

En principio tur persona cu ta dialisa por bin na remarce pa un transplante. E nefrologo (specialista di riñon) ta evalua ken por bin na remarce. Esaki basa ariba criterionan internacional. Tambe por hasi un transplante promer cu bira un pacient di dialysis.

1. E causa primaria di e insuficiencia renal mester ta conoci.
2. E persona mester ta den condicion optimal. Su presion halto mester ta coregi, mester tuma un dieta special pa pacient di dialysis.
3. Problemanan urológico por causa daño na e riñon nobo. Esaki mester wordo coregi prome cu e transplante tuma lugar.
4. Persona cu HIV (AIDS) y otro malesanan cronico di infeccion por bin na remarce si e malesa ta bon bou control.
5. Personanan cu tumornan maligno mester ta 5 aña liber di celnan maligno.

### **Critria pa un donante**

E persona aki mester tin un condicion fisico optimal y mester examina su sanger pa determina si e por ta un donador. Tambe mester pasa den un serie di otro testnan y su tipo di sanger mester ta compatible cu esun di e pacient (bloedgroep).

### **Posibel complicacionnan**

1. E curpa ta rechasa e riñon nobo
2. Infeccion door di bacteria of un virus, schimmel of parasito.

### **Procedura pa transplante**

1. Pacient di dialysis cu ta stabiel.
2. Peticion door di e nefrologo pa un transplante, ta tuma lugar via euro transplant.
3. Pacient ta bin ariba un lista di espera (wachlijst) di 5 aña of mas.
4. Tur testnan necesario ta wordo hasi pa ora un riñon bira disponibel.
5. Hospital tin un convenio cu A.M.C. pa haci transplante di riñon.